

ЎЗБЕКИСТОН ПРЕЗИДЕНТИ БИШКЕККА КЕЛДИ

БИШКЕК, 12 сентябрь. ЎЗА махсус мухбири
Анвар БОБОЕВ хабар қилади.

Ўзбекистон Республикаси Президенти Ислам Каримов Шанхай ҳамкорлик ташкилоти Давлат раҳбарлари кенгашининг навбатдаги мажлисида қатнашиш учун 12 сентябрь куни Бишкекка келди.

Шу куни Ўзбекистон, Қозоғистон, Қирғизистон, Хитой, Россия ва Тожикистон раҳбарларининг амалий учрашуви бўлди.

ШХТ саммитининг асосий тадбирлари 13 сентябрьга мўлжалланган.

Расмий дастурга мувофиқ ШХТ Давлат раҳбарлари кенгашининг мажлиси тор доирадаги учрашуви билан бошланади. Ананага кўра, мажлис кенгайтирилган таркибда давом этади. Аъзо мамлакатлар раҳбарлари даврасига қузатувчи давлатлар ҳамда халқаро ташкилотлар вакиллари қўшилиди.

Давлатлар раҳбарлари ташкилот фаолиятини янада такомиллаштириш,

узок муддатли яхши қўшничилик ва дўстлик муносабатларини ривожлантириш, минтақавий хавфсизликни таъминлаш, ШХТ маконида иқтисодий ва гуманитар ҳамкорликни фаоллаштириш юзасидан фикр алмашдилар.

Давлат раҳбарлари кенгаши мажлиси якунида Бишкек декларацияси қабул қилиниши, ШХТ доирасидаги кўп томонлама ҳамкорликни янада кенгайтириш ва ривожлантиришга қаратилган қатор ҳужжатлар имзоланиши кутилмоқда.

Ўзбекистон Республикаси Президенти Ислам Каримов Қирғизистон Республикаси Президенти Алмазбек Атамбаев билан учрашди. Музокарада Ўзбекистон-Қирғизистон муносабатларига доир масалалар юзасидан фикр алмашилди.

ЎЗА

Пойтахтимиздаги "Ўзэкспомарказ" миллий кўргазма компанияси павильонларида "Тўқимачилик ускуналари ва технологиялари – САИМЕ – 2013" ва "Тўқимачилик саноати – Textile Expo Uzbekistan – 2013" халқаро кўргазмалари бўлиб ўтмоқда. Ўзбекистон Республикаси Ташқи иқтисодий алоқалар, инвестициялар ва савдо вазирлиги, "Ўзбекенгилсаноат" давлат акциядорлик компанияси, "Осиё рамзи" Ўзбекистон дизайнерлар ва модельерлар уюшмаси кўмағида ІТЕ Uzbekistan халқаро кўргазма компанияси ҳамда ІТЕ компаниялар гуруҳи (Буюк Британия) томонидан ташкил этилган ушбу кўргазмаларда тўқимачилик саноати салоҳияти намойён бўлмоқда.



Отабек МИРСОАТОВ (ЎЗА) олган сурат.

ТЎҚИМАЧИЛИК САНОАТИ: ТАРАҚҚИЁТНИНГ ЯНГИ БОСҚИЧИГА ЗАМОНАВИЙ ТЕХНОЛОГИЯЛАР БИЛАН

Жорий йилги кўргазмада Австрия, Бельгия, Германия, Исроил, Ҳиндистон, Италия, Хитой, Уммон, Польша каби Европа ва Усиёнинг 22 давлатидан 250 компания ўз экспозициясини намойиш этаётди. Бу ерга ташир буюрувчилар ва мутахассислар этиборига замонавий тўқимачилик ускуналари ҳавола этилмоқда. Уларда тўқимачилик машинасозлиги компаниялари экспозицияси катта қизиқиш уйғотмоқда.

Мамалятимизда барча соҳаларда амалга оширилаётган ислоҳотлар самараси ўлароқ, енгил саноат ҳам тараққий этиб бормоқда. Юртимиз енгил саноати, хусусан,

тўқимачилик тармоғи иқтисодий-технологик жадал ривожланаётган соҳалардан биридир. Соҳанинг раваннақ топиши, жадал ривожига унга қаратилган этибор яратиб берилаётган шароитда. Истиқлол йилларида Президентимиз Ислам Каримов раҳнамолигида ушбу соҳага мамлакатимизда етиштирилган пахта толасини чуқур қайта ишлаш лойиҳаларини амалга ошириш, янги корхоналар ташкил этиш ва мавжудларини модернизация қилиш учун қиймати 1 миллиард 800 миллион доллардан ортиқ чет эл инвестициясининг жалб этилган ҳам фикримизни тасдиқлайди. Бугунги кунда "Ўзбекенгилса-

ноат" давлат акциядорлик компанияси тизимида энг замонавий ускуналар билан жиҳозланган 270 дан зиёд тўқимачилик, тикувчилик ва трикотаж корхоналари фаолият юритмоқда. Уларга яратилган шароит ва имкониятлар натижасида қисқа вақт ичида республикамизда нафақат ип, сур газлама ва трикотаж полотно, балки тикувчилик-трикотаж саноати учун жаҳон стандартларига жавоб берувватларини модернизация қилиш билан бемалол рақобатлаша оладиган тайёр трикотаж буюмлари, шунингдек, ярим тайёр махсулотлар ишлаб чиқаришни йўлга қўйиш имкони юзага келди. Хусусан,

буни 2012-2014 йилларда тикувчилик буюмлари, калава, полотно ишлаб чиқариш учун қиймати 13,4 миллион долларлик етти юздан зиёд ускуна харид қилиш кўзда тутилганида ҳам кўриш мумкин. Мазкур кўргазмалар эса мутахассисларни тўқимачилик, трикотаж ва тикувчилик соҳасидаги янги технологиялар, ютуқлар ҳамда ишланмалар билан кенг таништириш, мавжуд ишлаб чиқариш қувватларини модернизация ҳамда реконструкция қилиш бўйича мумкин қарорларни қабул қилиш, ишлаб чиқариш жараёнининг узлуксизлиги ва экологик хавфсизлигини таъминлашга ёрдам бер-

моқда. Шунингдек, соҳа мутахассислари ўртасидаги ҳамкорликни кучайтирмоқда, тўқимачилик, енгил саноат учун ускуналар, технологиялар ва материаллар ишлаб чиқарувчилар ҳамда истеъмолчиларни ўзига жалб этмоқда. Сирасини айтганда, ушбу кўргазмалар Ўзбекистоннинг енгил саноати соҳасига янги техника ва технологиялар, янги ишланмалар, инновацион ечимлар, амалий тажрибалар ҳамда хориж сармояларининг кириб келишига шароит яратади, ўзаро ҳамкорликни мустаҳкамлайди.

Анвар КУЛМУРОДОВ,
"Qishloq hayoti" мухбири.



ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИ КЕНГАШИНИНГ ҚАРОРИ

Фуқаролар йиғинлари раислари (оқсоқоллари) ва уларнинг маслаҳатчилари сайловига тайёргарлик кўриш ҳамда уни ўтказиш тўғрисида

Ўзбекистон Республикаси Конституциясининг 105-моддаси, «Фуқароларнинг ўзини ўзи бошқариш органлари тўғрисида»ги Ўзбекистон Республикаси қонунининг 23-моддаси, «Фуқаролар йиғини раиси (оқсоқоли) ва унинг маслаҳатчилари сайлови тўғрисида»ги Ўзбекистон Республикаси қонунининг 8, 10 ва 11-моддаларига мувофиқ, шунингдек, фуқаролар йиғинлари раислари (оқсоқоллари) ва улар маслаҳатчиларининг ваколат муддати 2013 йил ноябрь-декабрда туғаш муносабати билан Ўзбекистон Республикаси Олий Мажлиси Сенатининг Кенгаши қарор қилади:

1. Фуқаролар йиғинлари раислари (оқсоқоллари) ва улар маслаҳатчиларининг навбатдаги сайловини ўтказиш муддати 2013 йил ноябрь-декабрь ойлари этиб белгилансин.

2. Бўлажақ сайловда 9756 нафар фуқаролар йиғини раиси (оқсоқоли) ва уларнинг 97 минг нафардан зиёд маслаҳатчиси сайланиши режалаштирилаётганлиги маълумот учун қабул қилинсин.

3. 2013 йил ноябрь-декабрда фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга доир тадбирлар режаси 1-иловага мувофиқ;

Ўзбекистон Республикаси Олий Мажлиси Сенати Кенгашининг фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга қўмаклашувчи комиссияси таркиби 2-иловага мувофиқ тасдиқлансин.

4. Қорақалпоғистон Республикаси Жўқорғи Кенгесига, халқ депутатлари вилоят, туман ва шаҳар Кенгашиларига 2013 йилнинг 1 октябрга бугун муддатда фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга қўмаклашувчи комиссияси таркиби 2-иловага мувофиқ тасдиқлансин.

Халқ депутатлари вилоят, туман ва шаҳар Кенгашилари депутатларига ўз сайлов округларида фуқароларнинг ўзини ўзи бошқариш органларига сайловни тайёрлаш ва ўтказишни ташкил этишда фаол иштирок этиш;

(Давоми 2-саҳифада)

Жиззах Вилояти

Қаҳрамонлар ҳақида ҳикоялар

Бахт

Формуласи

Лавҳамиз қаҳрамони Анорбой Эшматов асли Самарқанд вилоятининг Булунгур туманидаги Уяқ қишлоқдан. Қишлоқ одамлари табиятан ўта меҳнатқаш ва бунёдкор кишилар. Шу боис, қишлоқларини боғу роғларга, гулу гулзорларга бурқаб, тўқин-фаровон яшамади. Улардан ўрнас олиб яшовчи қишлоқ ёшлари бироз романтикроқ бўлсаларда, меҳнат ва изланишларда катталардан қолишмайди. Ана шу романтикага мойиллик Анорбойни ҳали мактабда ўқиб юрган пайтларидек бахт ва бахтиёрлик ҳақида тез-тез фикрлашга ундор, дўстлари ва муаллимлари билан турли баҳсу мунозараларга чорларди.

Худди кечагидай эсида: физика муаллими "Олам тортишиш қонуни"ни тушунтираётган эди. Дарс давомида Анорбой болаларча сондалик билан "Олимлар ҳамма нарсанинг формуласини топиб қўйишди-я, бахт формуласи ҳам борми?" дея муаллими фикрларини бўлган эди. Муаллими эса хозиржавоблик билан "Бахт формуласини сен топасан", деганича дарсини давом эттирган эди. Шу-шу муаллимининг бу гапи қўлоқларига қуюлиб қолганди. Гарчанд, бошқаларга, синфдошларига қулғили бўлса-да, бу ҳақда тез-

тез ўйлайдиган одат чикарди. Дарҳақиқат, "Бахт формуласи" – нима?.. Анорбой ўқув юртини тамомлаб, Пахтакор туманидаги "Самарқанд" хўжалигига ишга келди. Ушбу хўжалик бошқа хўжалиқларга нисбатан бирмунча янги бўлиб, чўлни ўзлаштиргани ҳар тарафдан кўплаб ёшлар келишартирилган эди. "Мирзачўлқурилиш" трестининг Янгиер шаҳридаги идорасидан жўнаётган юк автомашинасига чиқиб, хўжаликка жўнади. Саратон куёши оловдай қиздирар, машина устида тик ҳолда атрофни то-

моша қилиб бораётган йигитчанинг юзларига иссиқ шамол урилиб, кўзларини ачигишарди. Бироз юрганларидан сўнг асфальт йўл туғаб, ўнқир-чўнқир дала йўли бошланди. Энди юзларига йўл шамоли билан бирга чанг-тупроқ ҳам уфуриб, қовоқларидаги реза-реза терни лойга айлантира бошлади. Лекин Анорбой буларга парво қилмас, кенг чўлни диққат билан томоша қилиб борарди.

Атроф бепоён ва анча текис эди. У ер-бу ердаги гўж-гўж жингиллару зовурлардан учи чиқиб турган қамишларни, улардан сал нарида эса эндигина қадини тутиб олаётган навниҳол дарахт кўчатларини ҳисобга олмаганда, асосий майдонлар тап-тақир бўлиб, ҳатто, бирор туп гиёҳ ҳам кўринмасди. Баъзи жойларда бўйлари бир-бир ярим қарич келадиган гўзалар ернинг шўрхоқлигидан гўёки қор устида ўсаётгандай шалпайиб кўринарди.

(Давоми 2-саҳифада)

Қашқадарё Вилояти

ЎЗАРО ҲАМКОРЛИК САМАРАЛАРИ

ЎЗБЕКИСТОН САВДО-САНОАТ ПАЛАТАСИНING ҚАШҚАДАРЁ ВИЛОЯТИ БОШҚАРМАСИ ТОМОНИДАН ВИЛОЯТ ТАДБИРКОРЛАРИ УЧУН ЗАМОНАВИЙ ТЕХНОЛОГИЯЛАРИНИ ТАНЛАШ, УЛАРНИ ИШЛАБ ЧИҚАРИШГА ТАТБИҚ ЭТИШГА ҚЎМАКЛАШИШ БОРАСИДА ИБРАТЛИ ИШЛАР АМАЛГА ОШИРИЛМОҚДА.

Тадбиркорлик субъектларининг муаммоларини ўрганиш ва уларнинг ечимини топишда жойларда ўтказилаётган "Тадбиркорлар кўни" катта самара бермоқда. Мазкур тадбирда ҳозиргача 3173 та тадбиркорлик субъекти иштирок этди.

— Тадбиркорликни ривожлантириш ва қўллаб-қувватлаш мақсадида вилоятимизда тадбиркорлик субъектлари вакилларидан 35 нафари технологияларни танлаш, шартномалар тузиш учун Хитой Халқ Республикасига юборилди, — дейди Ўзбекистон Савдо-саноат палатаси вилоят бошқармаси бошлиғи Садулла Бобоқуллов. — Натижада кўплаб замонавий технологияларни олиш борасида шартномалар тузилиб, минитехнологиялар ва хизмат кўрсатиш ускуналари келтириб ўрнатилди.

Китоб туманидаги "Омад қурилиш сервис МЧЖ" 282 минг АҚШ долларига қурилиш материаллари ишлаб чиқариш учун асбоб-ускуна ва махсус техника олиб келган бўлса, Муборак туманидаги "Навабоҳор" фермер хўжалиги камерали совиткич ва колбаса ишлаб чиқарувчи ускуна харид қилди. Яқкабоғ туманидаги "Буюк Турон чинори" МЧЖ, Ғузор туманидаги "Озод фаровон қурилиш" МЧЖ, Қарши шаҳридаги "Қишқин Игор Александрович" хусусий корхонаси, Китоб туманидаги "LEO DENT" хусусий корхонаси ва бошқа ўнлаб корхоналар замонавий асбоб-ускуналарни олиб келиб ўрнатдилар. Натижада кўплаб янги иш ўринлари яратилди. Улар томонидан ишлаб чиқарилаётган махсулотларнинг сифати янада яхшиланиб, корхоналарнинг экспорт салоҳияти кучая бошлади.

Хусан ТЕМИРОВ,
"Qishloq hayoti" мухбири.

